



KOMUNIKADO PA PRENSA

Fecha

14 di yüli 2014

Account Manager

Jhanirha Anita

Email

jhanirha.anita@gobiernu.cw

Nr.

TRABOUNAN PA ELEVÁ 2 DIFERENTE KRUSADA (VERHOOGDE KRUISING) TA BAI KUMINSÁ DJARASON DIA 16 YÜLI 2014

Willemstad – Minister Balborda huntú ku Servisio pa Obra Públiko (OW), ta informá komunidat ku djarason 16 di yüli binidero ta bai kuminsá ku trabounan pa elevá e siguiente krusadanan:

- Mercuriusstraat, Ceresstraat - Uranusweg
- Seru Fortunaweg, Asbestweg

E trabounan lo konsistí di 1) kita e kapa asphalt, 2) buta un fundeshi stabilisá, 3) basha betòn i 4) pone klenku di betòn. E trabounan na e krusada Mercuriusstraat, Ceresstraat- Uranusweg lo dura mas o ménos 4 siman. E trabounan na e krusada Seru Fortunaweg, Asbestweg tambe lo dura mas o ménos 4 siman.

Den kuadro di e trabounan aki, Servisio pa Obra Públiko ta traha huntú ku Departamentu di Tráfiko di Kuerpo Polisial di Kòrsou pa desviá e tráfiko. Usuarionan di kareteranan ariba menshoná por hasi uso di e kaya alternativo manera e bòrchinan ta indiká.

Minister Balborda huntú ku Servisio pa Obra Públiko ta gradisí tur habitante i usuario di e kareteranan aki adelantá pa nan kompreshon i koperashon durante ehekushon di e trabounan aki. Esakinan sigur ta na benefisio di primariamente e habitantenan, usuarionan i pueblo di Kòrsou en general.